

**CONVENIO DE COLABORACIÓN ENTRE O CONCELLO DE PONTEAREAS E A
ASOCIACIÓN DE FAMILIARES DE ENFERMOS DE ALZHEIMER E OUTRAS DEMENCIAS
DE GALICIA (AFAGA ALZHEIMER), SOBRE O PROXECTO DE POSTA EN MARCHA DO
CENTRO COMARCAL DE ATENCIÓN ÁS DEMENCIAS DO CONDADO**

Na Casa Consistorial do **Concello de Ponteareas**, a 26 de outubro de 2022.

REUNIDOS

Dunha parte, a Alcaldesa **D^a. M^a CRISTINA FERNÁNDEZ DAVILA** do **CONCELLO DE PONTEAREAS**.

Doutra parte, **D. JUAN CARLOS RODRÍGUEZ BERNÁRDEZ**, con DNI número **36073858Z**, como representante legal da entidade **ASOCIACIÓN DE FAMILIARES DE ENFERMOS DE ALZHEIMER E OUTRAS DEMENCIAS DE GALICIA**, en adiante "**AFAGA ALZHEIMER**", con NIF número **G36776920**.

INTERVEÑEN

D^a. M^a CRISTINA FERNÁNDEZ DAVILA na súa condición de Alcaldesa do **CONCELLO DE PONTEAREAS**. Asistida do Secretario, D. Carlos López Quintáns.

D. JUAN CARLOS RODRÍGUEZ BERNÁRDEZ, actuando en representación de **AFAGA ALZHEIMER**, segundo así resulta dos seus estatutos, asegurando o comparecente que tales facultades non lle foron revogadas.

Ámbalas dúas partes recoñécense reciprocamente a lexitimación e a capacidade legal necesaria para o outorgamento e formalización do presente contrato e, como antecedentes e motivación deste acordo de vontades, **EXPOÑEN**:

ANTECEDENTES

PRIMEIRO. Que a lexislación vixente sobre convenios reguladores de programas e a Constitución Española recoñecen a igualdade de todos os españois no exercicio dos



seus dereitos. A garantía é asumida por todas as Administracións Públicas a través de políticas de protección social.

SEGUNDO. Que as asociacións desempeñan un papel fundamental nos diversos ámbitos da actividade social, contribuíndo a un exercicio activo da cidadanía, representando os intereses dos cidadáns ante a Administración e desenvolvendo unha función esencial e imprescindible nas políticas de desenvolvemento, medio ambiente, promoción dos dereitos humanos, xuventude, saúde pública, cultura, ocio e outras de análoga natureza.

TERCEIRO. Que **AFAGA ALZHEIMER** é unha asociación sen ánimo de lucro que ten como obxecto principal prestar atención social específica ás familias e persoas que padecen Alzheimer e outras demencias.

CUARTO. Que de acordo cos seus estatutos, os fins básicos de **AFAGA ALZHEIMER** son, entre outros, a promoción de actuacións e programas destinados a mellorar a situación das familias e a atención ás persoas enfermas, defender os seus dereitos, reclamar das autoridades e organismos públicos a creación dunha infraestrutura de apoio e de centros específicos, desenvolver actividades e programas de difusión e sensibilización social.

QUINTO. Que, dentro deses programas, conta cun “Programa de estimulación cognitiva e funcional para persoas con demencia neurodexenerativa”, que inclúe unha serie de obradoiros que teñen como obxectivos específicos manter as capacidades mentais e funcionais o máximo tempo posible, evitar a desconexión e fortalecer as relacións sociais, facilitar un descanso ós cuidadores e/ou familiares e mellorar o seu estado emocional.

SEXTO. Que o **CONCELLO DE PONTEAREAS** é coñecedor da existencia dun colectivo de persoas no Concello que teñen a necesidade de acudir a este tipo de recursos para mellorar a súa calidade de vida; recursos que constitúen un complemento dos servizos sociais dos que dispón o propio **CONCELLO DE PONTEAREAS**.

SÉTIMO. Que a prestación de servizos sociais polo **CONCELLO DE PONTEAREAS** ampárase no artigo 25 da Lei 7/1985, do 2 de abril, Reguladora das Bases do Réxime



Legal; na disposición adicional 4ª da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostibilidade da administración local; e no artigo 60 da Lei 13/2008, de 3 de decembro, de servizos sociais de Galicia.

En virtude de canto antecede formalizárase o presente convenio conforme ás seguintes

CLÁUSULAS

PRIMEIRA. É obxecto do presente convenio, establecer un acordo de colaboración entre o **CONCELLO DE PONTEAREAS** e **AFAGA ALZHEIMER** para o desenvolvemento do "Programa de Atención ás Demencias Do Condado".

SEGUNDA. Que a entidade **AFAGA ALZHEIMER** dispón do persoal necesario para a posta en marcha do convenio. Todo o persoal ligado a **AFAGA ALZHEIMER** por medio dunha relación contractual ou de calquera outra índole, xa colabore directa ou indirectamente na execución do Servizo do Convenio, dependerá exclusivamente de **AFAGA ALZHEIMER**, e en ningún caso existirá vínculo de dependencia de ningún tipo entre dito persoal e o **CONCELLO DE PONTEAREAS**.

TERCEIRA. Son obrigas de **AFAGA ALZHEIMER** no presente convenio:

1. Aceptar ós/ás beneficiarios/as (enfermos/as e familiares) que sexan derivados/as pola **Concellería de Benestar Social e Igualdade do Concello de Ponteareas**, ata un máximo simultáneo de dez (10) usuarios/as, seguindo o criterio de que non teñan gravemente afectada a súa capacidade motora e poñan, polo tanto, seren obxecto de estimulación.
2. Que as actividades sexan impartidas por técnicos especialistas na materia.

CUARTA. Que o **CONCELLO DE PONTEAREAS** comprométese a financiar o programa cunha achega de 6.000 € como subvención nominativa, que deberá xustificarse debidamente conforme a normativa reguladora do réxime de subvencións e normativa municipal.



QUINTA. AFAGA ALZHEIMER fará referencia expresa á colaboración do **CONCELLO DE PONTEAREAS** nas comunicacións e publicacións que se realicen con motivo deste Convenio.

SEXTA. O prazo para presentar a xustificación remata o 11 de novembro de 2022.

SÉPTIMA. Este convenio ten natureza administrativa e rexerase polo disposto nas súas cláusulas e, no seu defecto, pola Lei 9/2007, do 13 de xuño, de subvencións de Galicia e polo Decreto 11/2009, do 8 de xaneiro, polo que se aproba o seu Regulamento, en todo o que non se opoña á lei. A duración do mesmo e durante o ano 2022.

OITAVA. Serán causas de resolución deste convenio:

- a.- O incumprimento total ou parcial das súas cláusulas.
- b.- O mutuo acordo entre as partes asinantes do mesmo.

E para que así conste, como proba de conformidade, ámbalas partes firman o presente documento por exemplar duplicado e a un só efecto, no lugar e data sinalados no encabezamento.

POLO CONCELLO DE PONTEAREAS

POR AFAGA ALZHEIMER,

D^a. M^a Cristina Fernández Davila

D. Juan Carlos Rodríguez Bernárdez

O secretario

Carlos López Quintáns

